

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 13. Quomodo à S. Michaële ducta fuerit in spiritu, & in ejusdem festis
ad cœlestem aulam, videritque hæc eadem mysteria & quandam
pompam, in qua decantabantur laudes hujus sancti Archangeli.

urn:nbn:de:hbz:466:1-38580

in suis sacratissimis manibus Divinum Sacramentum, cum quo ad me accedens, me communicavit. Deinde statim à me modicū recessit, & ego circumspiciens oculis animæ vidi advenientes, ita ut transirent inter Dominum & me quosdam Sanctos Angelos, valde admirabiles, & magnæ maiestatis, cum comitatu aliorum plurimorum Angelorum, & Beatorum Spirituum, qui jam ipsos præcesserant ultra Dominum, portantes Eucharisticam Hiero-

thecam, in qua ferebatur Divinum Sacramentum dilcooptum eo modo, quo gestari solet in supplicationibus. Sic præteriverunt, & præcesserunt Dominum, progressique sunt ad quoddam Monasterium, quod ego vidi, & reposuerunt Divinum Sacramentum in Tabernaculo summi Altaris, cum maxima reverentia, ac adorabundi, statimque discesserunt ex eolo, nec illos amplius conspexi.

(e)**(a)

CAPUT XIII.

Quomodo à Sancto Michaële ducta fuerit in spiritu,
& in ejusdem Festis ad cœlestem Aulam, videritque hæc eadem mysteria, &
quandam Pomparam, in qua decantabantur laudes hujus
Sancti Archangeli.

Venemibilis Marina, &
nos per illam intelligere-
mus præstantiam harum-
visionum, & mysteriorum,
qua in ijs manifestantur,
voluit quandoque DEUS
uti operâ Principis sue Ecclesie S. Michaëlis,
quem solet exhibere in rebus insignioribus:
atque idcirco simul ipse patefecit singulares
prerogativas hujus Archangeli. Ait igitur
ita.

§. I.

Dum audirem Sacrum in festo S. Michaëlis, ostendit mihi illum Dominus, & cognovi in hoc sancto Archangelo, tantam fortitudinem ac potentiam, ut eā videretur posse inverttere mundum, & movere sūisque dēque omnia, omnēsque crea-
turæ, quæ sunt super terram, mihi appa-
rebant coram ipso instar formicularum. Vehementer sum morata hanc apparitionem. Dominus autem mihi dixit: Ex-
pecta parumper, & videbis alia mysteria.
admirabiliora. Dum audirem, quōd me vellet elevare ad res valde supernaturales, vehementer expavi. Tunc venit Beatus Michaël, & conferendo vires ac vigorem
mea animæ, corroboravit ipsam, solatūs-

que est, dicendo mihi: Noli timere, quia ego te juvabo, & comitabor. Cumque id præstaret, veni ad altissimum & felicem locum jucundæ beatitudinis, ubi mihi est ostensus à Domino & Rege eorum Divinorum montium & cœlestium mandi-
num quidam radius, ac fulgor lucis illius Divini ac infiniti Esse, & cognovi, quomo-
do compotes & participes hujus Divinae
Naturæ redderentur iij beati Spiritus. Hoc
mysterium mihi fuit bis manifestatum, &
adjuvante sancto Archangelo, potui, abiq;
defectu virium, quamvis cum difficultate
& labore, sustinere tantam lucem ac splen-
dorem, alioquin enim fuisset impossibile.

Sed hoc non fuit summum, quia paulo
post sum ducta ad alium locum sublimior-
rem, ubi mihi fuerunt ostensa in eodē ipso
Divino Esse tres Divinæ Personæ, Pater,
Filius, & Spiritus sanctus, modo tam ad-
mirabili, ac stupendo, ut non reperiam ul-
las similitudines, quibus id valeam expri-
mere, & explicare, ideoque tacco, ac lo-
lum laudando & glorificando DEUM, di-
co: Vidi mysteria DEI.

(e) (a)


§. II.



§. II.

§. III.

Sed admirabilius fuit, quod illi contigit. Salio anno, feria secundâ, que erat 26. Septembri, triduo ante festum Sancti Michaelis. Hoc die, inquit, me abripuit Dominus intrâ se ipsum, duxitque me ad quâdam altitudinem, & subito iterum deduxit suaviter ad meum locum. Postquam fuissim abstracta à sensibus, bene tamen, advertissem, quid DEUS ageret, ac modicum quievissim, denuò me Dominus duxit intrâ semet ipsum, ad montem longè altiorem, quam fuerit prior, id quod me magnâ affect admiratione. Et cum ad illum pervenisset, deduxit me Dominus suaviter ad priorem montem, ad quæ me elevaverunt initio, dixitq; mihi: Quiesce modicum, propter naturæ debilitatem. Deinde me in se ipso, sicut antea, rursum exaltavit ad alium montem, multo sublimiorem secundo, qui apparebat immensus, & ibi me exposuit ex se ipso, mihique exhibuit ac ostendit omnes cœlos, & terram, ac totum mundum, dixitque: Aspice, Anima, omnia hæc, quæ propter te creavi, vide ista, & fruere illis. Contemplata sum istam creaturarum infinitatem miræ pulchritudinis. Continuò me ad se reduxit, ubi mihi ejus Majestas contulit tantum lumen, ad agnoscendum Divinum Esse, & omnia ipsius attributa, ut obstuperim, fuerimq; quasi mihi met erupta. Tum mihi Dominus dixit: Nunc, Anima, in me quiesce, & mane apud me, hic permanebis, donec prætereat festum mei sancti Angeli Michaëlis. Corpus tuum solummodo retinebit partem spiritus requisitam pro conservatione vita, & actionibus illi necessarijs, id quod fiet adjuvante tuo Angelo Custode. Post festum mei Angeli, te reducam ad tuum locum. His à Domino dictis, me reperi in meo angulo, unâque mansi cum meo Domino, perfruens illis æternis bonis, atque hic agendo cum Creaturis valde difficulter, & adjuvante me Angelo meo.



Qq 2

Equenti feria tertia, quæ erat dies Sanctorum Cosmae & Damiani, summo manè me deduxit Dominus ex illo monte, ubi manebam in ipso DEO, ut operaretur mysterium, quod referam. Vidi in meo cubiculo sanctos Martyres, qui me salutaverunt, & dixerunt: Soror nostra, venimus nomine DEI, & ipso permittente ad te consolandam & confortandam in tuis afflictionibus ac molestijs, atque etiam ad curandam & corroborandam tuam debilem naturam, quia licet simus Beati, sumus tamen Medici, dum viveremus in mundo, & petivimus id nobis à DEO indulgeri. Veni nobiscum ad cœlestem patriam. Duxerunt me ad cœlestem Jerosolymam, & postquam eō pervenissimus, dixerunt: Aspice Anima, aspice hanc cœlestem patriam, ubi vives in æternum; aspice hos felices Cives, contemplare istam gloriam, & magnificentiam, & lætare, atque confortare: quia hæc te manent. Lustra hæc subsellia, & sedes, intuere locum, ubi futurum est tuum corpus; æquum enim est, ut etiam ipsum, quod patitur, videat sedem, quam occupabit post universalem mortuorum resurrectionem. Recreavi me aliquamdiu conspectu illius gloriae, & Sancti me deinde duxerunt ad meū angulum, ubi vidi quod sanctus Cosmas in manu teneret pretiosissimam crucem, & S. Damianus quoddam veluti myrothecium medicinarum. Sanctus Cosmas mihi dixit: Accipe Soror istam Crucem, quia consolabitur, corroborabit, & confortabit tuam animam in tuis doloribus & molestijs, quas pateris. Accepi illam ad manum, & statim fuit converfa in elegantem ac speciosam palmam, cum magno meo stupore. Sanctus verò Damianus mihi dedit suum myrothecium, quod accepi ad alteram manum, & fuit subito conversum in pretiosum lapidé, similem rubino, grandem instar pugni, dixitque mihi: Iste valebit pro corroboranda & confortanda tua debili natura. Ego aspiciebam hos meos thesauros, vehementer obstupefacta; Sanctus autem Angelus meus Custos illos

illos protinus accepit ex meis manibus, & obseruavit in se ipso. Sancti Martyres discesserunt à me quām gratiosissimè, dederuntque mihi suam benedictionem.

§. I V.

Sequenti feriâ quintâ, in festo S. Michaëlis, manè vidi sanctum Archangelum, splendidissimè & elegantissimè vestitum. Salutavit me quām amantissimè, solatusque est, & confortavit vehementer in meis continuis doloribus. Atque dum converferar cum ipso, vidi quatuor Angelos, qui paulatim conficiebant & elaborabant mirabiliter vexillum ex purissimo auro, quod absolutum obtulerunt sancto Archangelo Michaëli, & ipse id benedixit, jussitque illos cum eo abire, ad peragendum certum mysterium. Acceperunt illud Angeli, & sustulerunt in altum, atque vibraverunt. Prodibant autem ex eo tanti splendores lucis, & claritatis, ut viderentur totum mundum illuminare. Tulerunt idem vexillum inter Cœlum ac terram ad regionem aëris, ibique denuò erectum agitabant, colligebant, & expandebant, quod ab illis fuit factum ter aut sèpius, & quotiescumque hoc faciebant, profiliebant ex ipso novi splendores luminis & claritatis, deciderantque ex aere ad infernum multi deformissimi diaboli, tot, tamque agminatim, quām quando vehementer grandinat. Finito hoc mysterio, venerunt cum vexillo ad locum, in quo erat mecum sanctus Archangelus, quod ille accepit ad suas manus, & cum eo, tum ipse, tum sancti quatuor Angeli, atque alij innumerabiles, omnes discesserunt ad cœlum. Ego fui ducta post illos à meis sanctis quinque Angelis, & non vidi meum Custodem. Ingressa autem ad cœlestem patriam, mansi intus è regione portæ cum meis socijs, & Archangelus cum reliquis intravit ad conspectum Divinæ Majestatis. Cumque essent prostrati, & agitarent vexillum, idemq; colligerent, & explicarent, prodibant ex ipso tanti splendores lucis & claritatis, ut illuminaret illam Divinam Aulam. Omnes ita provoluti adoraverunt Dominum, reve-

rentes ipsum, ut Creatorem ac Authorem omnis fui boni & gloriae. Dominus illis bene precatus est, jussitque eos surgere, & aspiciens me, quām amantissime ac affabilissimè dixit: Esne tu hic, Soror? ve ni & fruere festo mei Archangeli. Praepit omnibus Angelis, ut celebrarent magnam solennitatem in honorem Sancti Michaëlis. Instituta est solennis processio per circuitum cœli. Sanctus Archangelus tulit vexillum; tota Aula Angelorum ipsum sequebatur, decantantium ejus laudes, ac dicentium: Tu es, sancte Archangele, qui defendisti in cœlo honorem nostri Magni DEI ac Domini: dicendo: quis ut DEUS? Tu ejecisti ex cœlo Angelos malos, eosque vicisti; Tu es Patronus & Custos Ecclesiae militantis, Tu illam tueris contra illius hostes: & alia hujusmodi dicebant quām lætissimè & jucundissimè. Ego affixa pedibus mei Domini, spectabam illam solennem pompam, eaque recreabar, donec reversi ad Dominum, omnes denuò prostravissent coram Divina Majestate, iterumque ipsam adoravissent, sicut antea. Tum Dominus illis secundò benidixit: atque adducens me ad se, etiam mihi dedit suam benedictionem, & impoluit meo collo quendam pretiosum annulum ex purissimo auro, plenum elegantibus ornamentis encausticis, & figuris Divinorum mysteriorum, cum quo cimelio me demisit Dominus, & quando mihi fui redditum, inveni me in meo angulo cum sancto meo Angelo Custode, quo viso dixi: Domine Angele, non fuisti mecum? ipse vero mihi respondit: Ego te nunquam dimisit ex oculis, Anima: sed dic mihi, quid adfers ex cœlo? Ego respondi: Nihil, mi Domine: aspexi & extendi manus, quasi illi ostendendo, me nihil ferre. Et ipse dixit: Imò vero fers aliquid, accedensque ad me quām suavissimè, abstulit ex meo collo annulum, qui erat ex auro purissimo, & ostendendo mihi ipsum dixit: Scis, Dominum velle, ut sis tota ipsis, & Ancilla Divinæ Majestatis, idèo enim tibi jecit numellam ad collum, quam idem sanctus Angelus collo suo impositam mihi servavit.

Fen

Feriâ sextâ post festum S. Michaëlis, manè me Dominus sopivit quodam somno mystico, ex quo expergefacta vidi in meo cubiculo aliquantum remotum à meo lecto quandam sanctum Angelum valde gravem, & illo conspecto jam mihi videbar à Domino reducta, ac dimisâ ex illa unione, & statu, quem in ipsomet D E O habueram, quod mihi Divina Majestas dixerat, se facturam post festum sancti Michaelis. Finito Sacro, & peractâ à me sacrâ Communione, accessit Sanctus Angelus, de quo loquor, & prostravit se coram me, adorans sanctissimum Sacramentum, quod suscepseram. Dominus ipsum jussit surgere, dixitque illi, posse eum redire ad suum locum. Audito hoc, interrogavi meum Dominum, an me Divina Majestas jam duniisset, & absolvisset à se ipso, & ab illa unione. Dominus mihi respondit ita esse. Dixi præterea: Domine mi, humiliter obsecro tuam Majestatem, ut mihi dicat, quid iste sanctus Angelus hic fecerit? Et Dominus mihi suâ solitâ benignitate respondit: Custodiebat te, ac defendebat à Diabolo, qui tibi volebat nocere, & inferre damnum. Ergone, Domine mi, reposui ego, potest diabolus inferre damnum creaturis absque tua facultate? si tu illam ei non concedis, quid ipse potest facere? Ita, est verum, ajebat Dominus; sed ego, sicut in naturalibus permitto res eo ordine currere, quo jam illas decrevi ac disposui in mea æternitate, absque ulla immutatione, ita in supernaturalibus permitto dæmonem uti facultatibus, quas ipsi concedo, sed operâ meorum Angelorum illi sape impedio earum exequutionem, prout expedit meis electis.

§. V.

D Enique in festo Omniaum Sanctorum, ante diluculum matutinum,

Dominus mihi ostendit eorum gloria n: qui magis resplendebant, quam stellæ cœli, atque sicut soles emittebant ex se tantum lumen, & splendorem, ut illuminarent totam illam cœlestem Jerosolymam. Dum essem attonita, videns istam gloriam inter meos dolores & cruciatus, quos patiebar, audivi vocem ejusdam valde eminentis Angeli, quem deinde intellexi fuisse Sanctum Archangelum Michaëlem, mihi dicentis: Veni, Anima, veni, frueris hoc felici festo, & recreaberis. Ego, ut eram extra me, respondi: Quis me vocat? Sanctus Archangelus repetebat: Veni, Anima. Ego respondi idem. Ipse vero me tertio vocavit. Ecce cum tacerem, descendit in momento, ac magnâ vi ac potentia me abripuit in spiritu, duxitque ad cœlestem patriam, & ibi collocavit. Ingressum per magnam multitudinem, quæ videbatur esse infinita, Animarum & Spirituum Beatorum, qui omnes radabant tanquam soles, & transivi per omnes, donec pervenirem ad alteram partem, ubi erat Majestas D E I nostri Domini, cuius Divinum Esse vidi eo modo, quo in hac vita videri potest, in quadam specie subtilissimæ, claræ, & lucidae nubis; ubi vidi, quomodo omnis gloria, & splendores illorum Sanctorum provenirent, & emanarent ex illo Divino Esse, quod illos reddit Beatos. Mansi ibidem sat's diu, ac deinde dixit sanctus Archangelus: Veni, Anima, & reducam te ad tuum locum. Et reduxit me per illos Sanctos, videbanturque, dum illos pertransirem, se insinuare in meam animam iij Divini splendores, qui ex illis promicabant, ut mea anima suo modo æquè resplenderet, ac ipsi; constituitque me in meo angulo.

ee)**(20)



Q q 3

CAPVT